

PLAN NACIONAL DI VIVIENDA PRESENTA AYERA

ORANJESTAD(AAN):E PLAN NACIONAL PA VIVIENDA, un di e partinan central di e programa di gobernacion 1994-1998 di Gabinete Eman, ta bai cuminsa. Dia 7 di december awor ta cuminsa cu e prome parti di e programa di vivienda cu lo ta e Registracion Nacional pa vivienda. Ayera tardi sra. Yolanda Croes, coordinadora di e Plan Nacional pa Vivienda, a entrega na Prome Minister Henny Eman y na Minister Watty Vos di Obranan Pub-

lico, e programa final pa e prome fase di e Plan Nacional pa Vivienda.

SCARCEDAD DI VIVIENDA

Cu e seramento di e refinaria di Esso na aña 1985 economia di Aruba a cai Hopi y hopi hende a bandona Aruba. Hopi cas tabata bashi y e prijs di casnan a cai.

Cu crecimiento di nos economia door di iniciativanan di Gabinete Eman I, e necesidad pa vivienda a cu-



minsa subi.
Anticipando e cresemento

aki gabinete Eman I a laga prepara un plan pa construcion di cas pa tur hende por yega na tin nan mes un cas. Tambe a cuminsa bende e casnan di Pueblo.

Cu cambio di gobierno sin embargo, e plan pa construcion di cas cu tambe lo a haci posibel pa nos Arubianonan cu a bai afo, por a bolbe nan isla, a keda pega den kashi di e minister encarga cu vivienda.

Masha tiki cas a worde traha y e excusa tabata semper, cu no tin hende pa midi tereno.

Mientras cu e gobierno tabata ripiti e excusa aki pa cinco aña y 7 luna, e scar-

cedad di cas a bira mas grandi y nos hendenan pa falta di cas a cuminsa biba den chosanan, cuartonan inadecuado, apartamentonan super caro y casnan casi impagabel.

A surgi abusonnan cu e gobierno tabata simpelmente tolera. For di e tempo ey caba, AVP a bisa cu mester construi cas na cantidad grandi pa nos hendenan na prijsnan cu nan por paga.

Pueblo mester a warda te ora e gobierno di MEP, PPA y ADN a cai pa awor cu AVP y OLA ta den gobierno, y cu a bini e cambio den manejo cu ta bai hacie posibel pa tur hende yega na nan mes un cas.

E registracion aki lo indica tambe segun e datonan cu suministra, ta unda e necesidad mas grandi ta pa yega na un cas.

Esan cu mas necesidad lo yega na haya nan cas prome!

Tambe esnan cu ya a inscribi na Domein Beheer pa tereno, na FCCA pa un cas of pa construi cas, ta ser avisa pa registra. Tur e instancianan menciona y otronan ta envolvi den e Registracion Nacional aki.

POLIS ARUBIANO DETENI NA VENEZUELA

ORANJESTAD (AAN): Ayera Mando Policial na Aruba a worde notifica cu nan tin un miembro di e Cuerpo Policial Arubano deteni. Mesora e tramitenan a worde haci atravez di Departamento di Relaciones Exteriores pa asina averigua kico lo a conduci na su detencion.

Segun informe cu DIARIO ta dispone di dje ta indica cu e Agente Policial a viaha cu su famia pa Venezuela. Esaki relaciona cu hacimiento di compra di oro.

Aparentemente na San Antonio de Tachira, Guardia Nacional a detene como un sospechoso, debi cu e cantidad di oro cu e tabatin den su poder.

E Agente Policial aki lo a acompaña un miembro di famia pa bay te na e Estado di Tachira pa cumpra oro pa despues regresa Aruba.

Guardia Nacional lo a tene un control y a haya nan, esta e Agente y un otro persona cu oro den nan poder. No ta conoci e cantidad di oro cu nan tabatin, ora cu nan a ser deteni.

Mientras tanto e famia a acerca un abogado Arubano, kende a viaha pa Venezuela. Ayanan den e caso aki abogado Flanders lo tuma contacto cu su coleganan pa asina entama un caso contra detencion di e agente Omar Franken.

Tin fuerte indicacion cu un ora pa otro e lo worde laga den libertad completo.

DIARIO a tuma contacto cu su informantenan na Venezuela riba e caso particular aki. Segun informe cu e agente acompaña pa su

famia lo a bay haci compras di oro na Tachira cual ta casi na frontera di Colombia.

Manera ta conoci cu tin controlnan hopi riguroso den e areanan cerca di frontera, y muy en particular autoridadnan ta listra y averigua kico hendenan lo a cumpra of kico entre otro e bishita lo ta encera.

E oro cu nan a topa cune (di cual su cantidad no a worde suministra) lo a lanta

sospecho cerca e Venezolanonan, cu lo por ta trata di un contrabando di prenda.

Mando di Guardia Nacional for di su sede principal a duna su soldatnan orden pa realiza un investigacion rapido relaciona cu detencion di e Agente.

Aparentemente un ora pa otro lo ordena guardia pa pone e agente Arubano Omar Franken den libertad inmediato.

NO DUNA NUMBER 13 E CULPA !!!

